



# КОМСОМОЛОНЪ ВАЙГЯЛЪ

ВЛКСМ-нь МОРДОВСКИЙ ОБКОМЪ И САРАНСКИЙ ГОРКОМЪ ГАЗЕТАСНА

ИЮНЬ  
5-це шистонза  
1941 кизоня  
62(1858)  
Питнец 10 тр.

## ШКОЛЬНИКНЕНДИ РАЗУМНАЙ ВАЙМАМА

Курок сембе учащайхне аделасазь тонафнема кизотъ и кармайхть ваймама. Штоба тиеме разумнай ваймама, эрявхть организовандам краеведческий экскурсионный туристский похотт. Ня похоттне учащайхненди максхть возможность знакомства природанъ явлениямъ, культуранъ памятникнъ, 1905—1917 кизонъ революционнъ и гражданский войнанъ участникнъ мархта.

Революционъ и гражданский войнанъ участникнъ мархта знакомствасъ и беседатне—учащайхненди максхть возможность содамс лама героический эпизод.

Исторический памятникнъ тонафнемасна сяда касфнесазь учащайхненъ содамашисон СССР-ть историйнъ коряс.

Помла лийнъ тонафнемасъ, полезнай ископаемийнъ вешендемасъ, геологический коллекцияна пуроптомасъ максхть лама содамашит и исследованиемъ. Тядя башка, учащайхне тийхть оцю польза минъ социалистический хозяйстванъ развитианцъ.

Учащайхне походса козякофнесазь эсь содамашисон моронъ, ёксонъ, преданиянъ и лятфнеманъ кочказь (сёрмадозь) литературасюга.

Лама интереснай навыкт можна получамс зоологиянъ, ботаниканъ коряс. Природатъ тонафнемасна учащайхне эсь сельмосот нийсазь ся кизефктъ разрешандаманц, кода ломанцъ сяежондъсь природатъ.

Походса можна занимадамс геометриянъ, географиянъ и геологиянъ кизефктнъ мархта. Учащайхненди можна якамс азимутонъ коряс, чертиндамс исследованиемъ вастть рельефонъ, знакомдамс геологический осложненианъ, органический и осадочный породанъ разнай кефнъ мархта.

Туристский похоттнъ эса учащайхне пашкотъкшнесазь содамашисон науканъ разнай отраслява. Аныцек тяса синъ нийсазь теориянъ сотконъ животнай и растительнай миртъ эряфонъ практический кизефктонъ мархта. Походса научнай работасъ тонафтсине учащайхненъ последовательнай

деятельности, материальной ценностнъ кельгома. Шабатне тонафхть нямонза природатъ мазы шинъ.

Туризмасъ воспитандакшни коллективизманъ и ялганъ чувства. Воспитандакшни героизма и отвага, календакшнесы организматъ, тонафты трудностнъ каршес тюрема. Сон воспитандакшни родинати—тяди кельгоманъ чувства.

Экскурсиянъ и похоттнешколати максхть замечательнай учебно-нагляднай пособианъ. Эряви видеата азомс, што Мордовиянъ лама школатнъ аш гербариясна, насекомийнъ и разнай геологический отложениянъ коллекциясна. Ботаниканъ, зоологиянъ, геологиянъ педагогнъ, историкнъ уроксонъ калдывста иллюстрировандакшнъ нагляднай примерса, конат можнатолхть кочкамс эстетист учащайхненди тятфамс походса.

Пяк цебарь уелель, кда педагогс-геологс иллюстрировандалхце эсь уроконъ Мордовиянъ паксятнъ и лийхненъ эзда кочкаф пособиаса. Пяк цебарь уелель, кда ба естественнъ педагогс знакомондалхценъ учащайхненъ Мордовиянъ растительностъ основной видонзон мархта.

Аф калдыв уелель, кда историкс СССР-нь нароттнъ историчесот древний пингтъ (периодтъ) тонафнемс, знакомондалхценъ учащайхненъ ся вешатнъ мархта, конат муфт дюнанъ, городишанъ и селищанъ поверхностнъ эзда.

Шабатнъ окружающей природатъ мархта знакомдамс касфтс синъ успеваемостнон, максы сяда лама навык самостоятельной творчествазот.

Тонафнема кизотъ аделаманцъ лядст лувф шит. Эряви Мордовиянъ школатнъ педагогический коллективсонды намечандам несколько маршрут, организовандам туристский группат и этафтомс похотт.

Кизонда, шабат, карматам тонафнемонза эсь веленьконъ, районьконъ, республиканьконъ, макстама лама материалда кельгома родинаньконъ развитианцъ.



Организованнайста ётасъ подпискасъ од займати Саранский 1-це № средней школы. СНИМКАС: Учительхне сёрмафтыхть од займати. Фотосъ Ивенинъ.

2.757.000 цалковайнъ суммас

Вишкста и организованнайста моли подпискасъ од займати предприятиянъ и учрежденийнъ эзга Саранск ошса.

Июнь 3-це шинцъ 10 часттнъ и лять займасъ реализовандаф 2.757.000 цалковайнъ суммас. Лама организацият подписать шумордазъ педа-пес.

## РОДИНАТЪ ОБОРОНАНЦЫ И КУЛЬТУРНАЙ СТРОИТЕЛЬСТВАНЦЫ

Пединститутонъ клубса майтъ 3-це шистонза ульсь этаффт Колмоце Пятилетканъ (нилеце кизонъ выпуск) Государственной Займать честьс митинг, коса преподавательский коллективс и студентнъ шназь СССР-нь Совнаркомъ займать волдаманц колга постановленианъ.

Митингса выступандайхне корхтась займать обороннай и культурнай строительстванъ оцю значенианъ колга. Педагогикатъ коряс доцентс Ососков ялгась корхтай:

—«Мон шваса СССР-нь Совнаркомъ постановленианъ займанъ нолдаматъ колга и сёрмафтанъ тейнза фкя ковань ок-

ладс, и тернесайне сембе преподавательхненъ, студентнъ и технический служащайхненъ аф лядомс займас сёрмафтоматъ эзда».

Партбюротъ секретарец Свириганов митингса азондозень займать реализациянъ результатонзон. Преподавательхне максеть государствати пандомода—72.000 цалковай; студентнъ—12.635; десятимесячной курсовъ учащайхне—2.700 цалковай.

Митингтъ пезонза прибавасъ подпискасъ тага 53.000 цалковайс. Сембоц максф государствати пандомода митингта меле 140.335 цалковай.

И. Черашев.

## Сембе фатяфт займати сёрмафтомаса

Обедта меле 6 частса Металлокомбинатонъ рабочайхне пуромсть Колмоце Пятилетканъ (нилеце кизонъ выпуск) Государственной Займать нолдаманц колга СССР-нь СНК-ть постановленианъ радио вельде кулхондома. Радиослушания оцю меле синъ ёткост ульсь этаффт митинг, коса оцю мьялса шназь займать нолдаманц колга правительстватъ постановленианъ.

Займать социалистический строительствати и оборонати оцю значенианъ колга корхтась Шапошников, Казачков и лятне. Шапошников ялгась корхтась:

«Тя од государственнай займасъ нинге сяда пях касфтс минъ странаньконъ мощенц, козякофтс сонъ од фабрика-

са, заводса. Займати сёрмафтомасъ—советский эрь гражданить васевце долгоц; сон яфнесы родинати кельгома, сонъ инксонза заботендаматъ».

Шапошников ялгась митингса сёрмафтс фкя кожда лама заработкас, конатнъ сон панцыне 5 ковета. Июнь 2-це шистонза, митингса займас сёрмафтс 5.895 цалковайс.

Сембода активнай участия примастъ комсомолне. Синъ государствати пандомода максозь фкя ковань заработкаснъ.

Июнь 3-це шистонза Металлокомбинатъ аделазе займать реализациянъ. Сёрмафтоманъ марнек суммас пачкодъ 13.100 цалковайс.

А. Сашко.

Саранск ош.

## Штоба нинге сяда кемоксталь и панжель родинаньке

Колмоце Пятилетканъ (нилеце кизонъ выпуск) Государственной Займать реализациянъ вишкста моли СартЭЦ-са. Июнь 3-це шистонза митингса рабочайхне шназь Государственной Займать нолдаманц колга СССР-нь Совнаркомъ постановленианъ. Лама выступандай корхтась, што минъ максасък государствати пандомода ня ярмакнъ аф козонга лияв, а эстейнек, штоба нинге сяда кемоксталь и панжель социалистический родинаньке.

Митингса займати сёрмафтс 24.730 цалковайс. Тя шина подпискасъ пачкодъ 64.505 цалковайс.

Рабочайхненъ и работнианъ сембода ламосна максозь государствати пандомода фкя ковань заработкаснъ. А механический мастерскоень рабочайхне Коробельщиков, Бакалдин, Малинин сёрмафтс фкя ковань заработка ламос. Пях активнай участия займать реализацияса примастъ комсомолне Адушкин, Афанасьева, Комракова.

Займать реализациянъ аделазе директоръ Зарувинский ялгать бригаданъ.

Примеркс СартЭЦ-онъ рабочайхненди ащи слесарс Егуннов, сон кочкаф комсоду председателкс и васендакигсонъ сёрмафтс ковань заработка ламос.

## ВЦСПС-са и ВЛКСМ-нь ЦК-са

### Массовой профсоюзно-комсомольский кросс

ВЦСПС-сь и ВЛКСМ-нь ЦК-сь арьсезь этафтомс 15-це июньта сямомок 30-це июнь самс профсоюзно-комсомольский кросс (пересеченный востова ласькома). Кросс должен улемс массовой спортивной мероприятикс, коца нефтелезень профсоюзнай, комсомольский и физкультурнай организациятнъ работанъ результатон трудящайхненъ физический анокламсон коряс и лездоль физкультуранъ коллективнъ сядатов кемокстамсонды.

Профсоюзнай, комсомольский организациятне и добровольнай спортивной общественнъ

обязатт шарфтомс башка мьял кроссонъ участникнъ цебарьста анокламсонды, аф нолдамс сянь, штоба соревнованьяса нефтелезъ тевтъ аныцек показной ширенц, коца арьсеф аныцек ланганъ эффектонди.

Кросс эса участникс могут улемс аныцек сят, кит ётасть эрявикс тренировка.

Учебнай заведенианъ тонафнихне могут участвовдамс кросс эса экзаментнъ аделамда меле.

ВЦСПС-сь и ВЛКСМ-нь ЦК-сь кемоктась кросс колга положения.

(ТАСС).



# КОЛМОЦЕ ПЯТИЛЕТКАНЬ (НИЛЕЦЕ КИЗОНЬ ВЫПУСК) ГОСУДАРСТВЕННОЙ ЗАЙМАТИ ПОДПИСКАСЬ

## СОВЕТСКИЙ ПАТРИОТИЗМАТЪ МОЩНАЙ ДЕМОНСТРАЦИЯЦ

Марнек странать эзга пняк оцю подъемса ётти подпискась Колмоце Пятилеткань (нилеце кизонь выпуск) Государственной займати.

А. М. Кагановичъ лемса 1-це шарико подшипниковой завода (Моску) рабочайхнень, специалистнень и служащайхнень сембода ламосна макссезаь странати ковань пингонь заработкасон.

Ленинградонь «Скороход»-гигант обувной фабрикаса 3-це июньта илядь малати сёрматфтсь несколько тяжянь ломань. Синь максесть государственати пандомда 2-шка миллион цалковай. Ломоц рабочайхне, инженерно-технический работнике и служащайхне сёрматфникть ковань пингонь заработкадоц ламос.

Кельгомга васьфтезе од займань нолдамать интеллигенциясь. Сталинский премиянь лауреатне СССР-нь народнай артистне Барсова, Михайлов, Самосуд сёрматфтсь 12-нь тяжянь цалковайс кажнайсь, Сталинский премиянь лауреатс, орденоносецс драматургс Корнейчук сёрматфтсь 30 тяжянь цалковайс.

Оцю подъемса ётти подпискась горнай Путильский районца, Черновицкий областса лесорупнень и лесоплавщик-

нень-гуцулхнень ёткас. Васень жа илядь Конятын велеса 340 хозяйства сёрматфтсь 11 тяжянь цалковайс. Сембода ламось подпискасон коряс ярмакть пандозь ни.

Дружнайста сёрматфтыть займати Калмыцкий республикань колхозникне. Ломоц эстакге паннесазь ярмакть. Церкерт велеса Кировъ лемса артельть колхозниконза максесть государственати пандомда сядот тяжянь цалковай. Колхозъ председателец Чумудов ялгась сёрматфтсь 3 тяжянь цалковайс и тя суммать пилец пандозе ярмакса тяникге. Лагянский улусонь «Соцпуть» артельть вете колхозниконза максесть ярмакса 22 тяжянь цалковай.

Дехканабадский райононь (Бухарский област, Узбекский ССР) сембода ичкозденъ пандонь колхозникне сёрматфтсь ни 748 тяжянь цалковайс. 3-це июньта илядькге синь педа-пес пандозь подпискась марнек суммать.

Ламода аф полной даннайхнень коряс, Запорожский областса 3-це июньта илядькге синь педа-пес пандозь подпискась марнек суммать.

(ТАСС).

## Од займати сьорматфтомась района

Кели волнакс ётась кулясь государственной од займати нолдамани колга районъ эзга. Советский правительствать од займати нолдамани колга постановленинъ печатламода меле Ковылкинский районца предприятиянень, колхознень и учрежденийнень эзга ульсть ётафтфти вии митинкт, коса трудящайхне патриотизмань оцю чувства мархта кармасть активнайста сёрматфнема займати.

Ковылкинский станциянь депоса 1 частста сёрматфтсь 10.000 цалковайс; Кочелаевский сельсоветса 42 колхозник—2.575 цалковайс; Ковылкинский сельпонь отделенинъ подпискась пачкодс—18.850 цалковайс. ВКП(б)-нь РК-ть работниконза сёрматфтсь фкя ковань заработка, марнек суммасы—16.160 цалковайс.

«Память Ленина» колхозонь колхозникне, сёрматфтомок од займати, сяка пингть сёрматфтома питнеть 50 процентонц паннесазь наличнай ярмакса.

Районъ эзга фкя шиста подпискась суммац пачкодс 400.000 цалковайс. Тя нингевесть сяда валдста няфнесы трудящайхнень преданностьсон и кельгомасон Советский правительствати и большевистский партияти. А. Абакумова.

## 621.045 цалковай пандомда

Кенярдезь васьфтезь Колмоце Пятилеткань (нилеце кизонь выпуск) Государственной Займать Саранск ошень организациятне, предприятияне и учрежденияне. Июньъ 2-це шистонза ниле частста Саранск ошть эзга государственати максф пандомда 621.045 цалковай.

Сембода инголи займати сёрматфтомать аделазе Медсантруд Союзонъ обкомс.

Лесоохранань управленинъ 6-не № стройконтарь видеса 68 ломань сёрматфтсь 20.065 цалковайнъ питнес.



Московский военный округъ лагерензон эса проверочнай занятиятне.

СНИМКАСА: Орудиять ваксса частьса, конань мархта командовандай подполковникс Морев ялгасы. Фотосъ А. Иоселевичъ (ТАСС).

## Кемокстасаськ странаньконь обороннай мошени

Од займати нолдамани колга эсь митингсост Консервнай комбинатонь рабочайнъ и служащайнъ коллективс приветствовандаз СССР-нь СНК-ть постановлениянц. Митингта меле единадушна кармасть сёрматфтома од займати.

Кафта шиста сёрматфтсь 412 ломань 101.745 цалковайнъ суммас. Комсомолецне и коммунистне сёрматфтыть полной месячной окладс.

Комсомолец Медведев получай зарплата 300 цалковай, а займ: с сёрматфтсь 400 цалковайнъ суммас. Тяфта жа месичнай окладта ламос сёрматфтсь Журавлевась, Тихоновась и лият.

Сембе рабочайхне и служащайхне оцю мялса макссезаь государственати эсь ярмаксон, штоба сяда кемоксталъ минь родинаньконь обороннай мошени, штоба афолемазь сата врасплох кодамовок «случайность».

## ВЛКСМ-нь райкомс Кальдявста вяти руководства первичнай комсомольский организациятнень ЛАНГСА

Эрь ВЛКСМ-нь райкомс обяван витемс руководства первичнай комсомольский организациятнень лангса, лядямсинь работасон лангса контроль. Но тя ответственнай задачат ёфси эсь лангзонза аф сявондс ВЛКСМ-нь Инсарский райкомс. Сон лама велеса первичнай комсомольский организациятнень мельге ёфси аф вяти контроль. Тя ватьсь сянди, што лама велеса комсомольский организациятне аныцек спискава лувондовихть, а тевса мезевок аф тиендихть. Вов, например, Адаж велень комсомольский организацияс, коса секретарькс ащи Е. Радьнов. Сонь работанц вестеньге ашезе проверякшине ВЛКСМ-нь райкомс. Тя организацияс кунара ни аф работай од ломаттнень ёткас, работамста комсомолецне аф няфнихть кодамовок пример.

Кда кизефтес араль комсомолецнень кядста ВЛКСМ-ть уставонц и программанц эзда кизефкс, то кивоктянди афоль отвеча, сяс мес синь ёфси ашезь тонафне ВЛКСМ-ть уставонц и афитонафнесазь. Комсомолецне, кизода ламонь аф паннесазь членский взноссон. Казейкин Григорийс ашезень панда членский взносонзон 13 ков, Мишанинъ—14 ков, но таян колга вестеньге апак путоль кизефкс собранияса. Да, видеста азомс, тяса собранияневок эрайхть случайста-случайс.

Комсомолецне ёфси аф касфнесазь аф технический, аф политический содамашисон. Синь эздост кивок ашезь кунтле «ВКП(б)-ть историянц краткай курсонц» тонафнема, аф содасазь XVIII партконференциять материалонзон. Омбоце кизось ВЛКСМ-нь членке апак примак фкявок аф союзнай од ломань.

С. Самошкин.

Ширингуши.

Зобнин.

## Ковонь заработкасон государственати пандомда

Саранский хлебокомбинатонь рабочайхне и служащайхне оцю подъемса васьфтезь СССР-нь Совнаркомъ постановленинц од займань нолдамать колга. Митингса примаф резолюциясост сёрмадсть:

«Минь, Мордовский хлебокомбинатонь рабочайхне и служащайхне, кулемок радио велде СССР-нь Совнаркомъ постановленинц од займань нолдамать колга, кода фкя, сёрматфтанца од займати, и штоба сяда курук сонь реализован-

даме. Тяка пингть кеподсаськ трудонь производительностьсон и келептсаськ стахановецонь и ударниконь рядоньконь. Нолдамс аныцек цебарь качествахъ продукция. Государственной займась нингс сяда кемокстасы минь странаньконь обороннай мошени. Шумбра улеса Сталин ялгасы».

Кафта шиста хлебокомбинатонь рабочайхнень и служащайхнень эзда сёрматфтсь займас 332 ломань 55.065 цалковайнъ суммас.

## КАСЫ ТРУДТЬ ПРОИЗВОДИТЕЛЬНОСТЕЦ

Ширингушский суконнай фабрикась, сявомок 1938 кизоста, пняшкоткшнесы производственнай планонц. Но кда варжакстемс фабрикатъ работанцы XVIII партийнай конференцияда меле, то сон ламода полафтовс.

XVIII партийнай конференцияда инголе фабрикатъ эса лувондовс 117 стахановец и 65 ударник. А тияни фабрикаса лувондови 159 стахановец и 101 ударник.

Планонь пняшкодемаса и чистотаса авангардокс ашихть коммунистне и комсомолецне. Например, комсомолкась-ткачхась Полинась кармасть работама кафта станокса, уплотненай трудса планонц пняшкоткшнесы 106,1 процентс. Ткачихась Королева Александрасъ этась кола станокса работамати, планонц пняшкоткшнесы 106,2 процентс. Полякова Нинась стане жа работай кола станокса, планонц пняшкоткшнесы 107,1 процентс.

Трудонь оцю производительность няфнесъ и няфни Мордовский АССР-нь Верховнай Советонь депутаты Тришанковась. Тияни сон выдвинутай бригадиронь должностс. Сонь бригадац фалу вельф пняшкоткшнесы продукциянь нолдамань планонц.

Фабрикаста ниле ломатъ награжденияхть «отличник социалистического соревнования» значокса. Тяза сувсихть: главный инженерс Гаврилов, Лебедев—аппаратнай мастерс, О. Н. Полякова—винтовщицась, райсоветонь депутат. Сон норманц пняшкоткшнесы 105,8 процентс и Королева Александрасъ.

Награждениянц кандидаткс ашихть Ромайкин, норманц пняшкоткшнесы 108,3 процентс, Полина, Тришанкова и Полякова.

Технологический процессть цебарьгофтомац максесть возможность ламода касфтоме трудть производительностенц. Ульсть

рабочайхть, конат систематически ашезь пняшкоткшнесы нормасон, тияни кармасть пняшкоткшнеса велф. Например, Косовась, работамок врестомоталкакс, январьста норманц пняшкоткшнеса аныцек 91 процентс, а февральста—105,8 процентс и апрельста—109 процентс. Дилектовась февральста норманц пняшкоткшнеса 99 процентс, а мартста—108 процентс.

Производительность касомаса тяфтама примерда можна сявомс пняк лама.

Мезьса азондомс ня фактне? Мес сембе фабрикась пняшкоткшнеса эсь работанц? Аф трудна отвечамс, што сембе рабочайхне педа-пес шарьхкодезь XVIII-це партийнай конференциять решениянзон. Рабочайхнень ёткас ладяф социалистический соревнованиясь. Кода и рабочайхне, сембе цехне—ткачийсь, придилянайсь, аппаратнайсь, соревновандайхть фабрикатъ производственнай планонц вельф пняшкодеманинкса. И пняк важна, што башка рабочайхнень и цехенъ ёткас сидеста проверяндакшневихть

сявф обязательстватне. Эрь рабочайс содасы—пняшкодезе тячи выработкань норманц или аш. Эрь шиня повфневи стевас таблица, коса няфневи кажнайть шинь работань результатон. Эрь цехса сидеста нолыихть стенной газетат, коса критиковандакшневихть лодырьхне и няфневихть стахановецнень опытсна.

XVIII-це партийнай конференцияда меле ламода кирсть прогулкне. 1941 кизотъ васень кварталстонза Верховнай Советъ Президиумонц 1940 кизонь июньта 26-це шинь Указонц нарушандазъ кефние ломань, апрельста—аныцек кафта ломатть.

Сембе ня азф мероприятияне, кода производительность обшай кеподемац и ст. тов пачфтсь сянди, што фабрикась получазе переходящай краснай знамать, конань ламос кирдезе Мурманский фабрикась.



## Сотомс агитационно-пропагандистский работать производств мархта

Улемс агитаторкс-пропагандистекс—эрь комсомолецт, комсомолкат, интеллигентт, рабочайт и колхозникт почетнай долгон. Агитаторти эрви эрь шиня населении азонткшнемс партия и правительстват решениенон, ияфтемс, кода эрвихть синь этафнемс эряфс. Штоба сонь кулхондолезь, шарьхкоделезь, «бязан сон эрь шиня касфнемс эсь культурнай урөөнеч.

Содамашида башка, агитаторти эрви фалу улемс эстейнза примеркс.

Агитационно-пропагандистский работать производств мархта сотоманц колга нагляднай примеркс «Дубитель» заводса ашихть сменный мастерхне Коробков и Родин. Синь аф кунара ульсть рядовой рабочайхть, но примернайста работаманкса, культурнай, технический уровеньон касфтоманкса кочкафт руководящай вастс. Коробков ялгас тонафни заочна средный школы, аделазень машинистонь курсень, тани ащи вольнослушателькс газогенераторшонь курсса. Ня кафта ялгатне эсь содамашисон максесазь лия рабочайхненди, синь сменастот ашель стама случай, штоба кивок нарушандалхне трудовой дисциплинать. Синь лувондовихть инь лебярь агитаторкс: беседасна этнихть интереснайста, увлекательнайста.

Кальдявста этнихть беседасна Митрошина и Столярова ялгатнень. Синь беседаснон кулхондома цнтай кивок аф якай. Тя азондови сянь мархта, што синь, ня агитаторхне, аф ашихть примеркс.

Агитаторонь лемсь тя пня почетнай и сонь эрви оправданамс. Аф эрви пашкодемс беседасна слушательхненди аф шарьхкодеви терминца, аф эрви заносчивость. Агитаторсь тя скромнай, культурнай ломань, конац пользовадй слушательхнень ширде авторитетса и уваженияса и служай работамста, общественной и личной эряфса примеркс.

С. Сумовская.

3-Полянскый район.

## МЕС АШ ЮННАТОНЬ КРУЖОК?

Аф мувихть кодамовок причинат сянди, мес Мокша Мазканя велень аф полнай средный школы атак организандак юннатонь кружок. Школат улихть сембе условиянза танди: ули школьной участка, сад, коса можналь юннатненди тиендемс растениенень, шуптонятнень мархта различнай практический опытт. Но тинь шире кивок аф шарфни мяль. Илье биологиянь преподавательсь Афонинц аф ёрасы шарьхкодемс кружокть значенишарьхкодемс биологияса этаф материалть сяда кемоста тонадомаса.

Школась од шуптовань озафнемат колга ёфси аф заботендай; анок озафнеф шуптонятненьге и саттненьге кадозень юмама-арама; садть и школат ингольде шуптонятнень палесна коськсть.

Кудашкин.

Смидровань район.

## Бытсь аф явошневи политикать эзда

СССР-са 24 кизоста кассь од поколения, кона аф содасынэ эксплуататорский обществань сембе мерзостнень. Тя поколенинсь лихтсь эсь эткстонза лама тейянь замечательнай ломань. Именна тяфтапт Хасанонь геройхне. Тяфтапт Стаханов, М. Демченко, Виноградова сестратне, Полина Осипенко и лама лият.

Минь ломаненьконь инь лебярь пяльксоц машты эрмац лебярста: сон эрий прекраснай, многограннай и интереснай эряфса. Производствань новаторхне—од рабочайхне, колхозникне и интеллигентне сяка пингоня жа ашихть бытсост новаторкс; синь бытсна аф явфневи производственной и политической эряфшон эзда. Социалистический обществань гражданинть эряфонцы основак ащи трудсь. Бытовой и семейнай отношенинень аш кода явфнемс минцонк общественной эряфонь интереснень эзда.

Маркс корхнесь, што обыватель, буржуат, кода марьгондихть, эряфон ащи аныцек семейнай интереснень эса. Мещанинц, обывательсь подхотит эряфти кода явстваса пуфшра вакс, кенордамок судя лебярста ярхнамс. Обывательсь философияц: «Эряфсь нюрхкяня—кундак момент». Обывательсь аф шуроста и кельгомаць и дружбаць лангс ваны эсь эгоистический личной мяленц лаца. Сонь интересонза аф лисендихть вельф ярхнамать, симомать и идень шачфтомать эзда.

Бытовой мещанствась атак машфти нинге минцонк СССР-са. Тя фкя инь живучай, стойкай форма капитализмань пережиткатнень эзда трудяшайхнень сознанияса. Особенна опаснайхть и вреднайхть социалистический обществати пережиткатне, конат ванфтовсть брачно-семейнай отношенинень эса.

Кельгомаць, брачно-семейнай отношенинень ашихть эрвице дополнениякс ломанть трудовой, общественной эряфонцы. Кда ломанть брачно-семейнай отношенинза улихть основанайхть коммунистический моральной принципнень коряс, то сяда полноценнайкс, продуктивнайкс арай синь общественно-полезнай, трудовой деятельностьсна.

Советский семьясь—тя социалистический обществань аф оцю ячейканя. Семьять эряфса, сонь членонзон взаимоотношениенон эса кода ваномаса нявяхть социалистический стройть сембе особенностенза, советский законньке.

Минь эпохань замечательнай документса—Сталинский Конституцияса сёрмаф: «СССР-са авати максевихть прават алаты мархта фкя лаца хозяйственной, государственнай, культурнай и общественно-политический эряфонь сембе областнень эса».

Тя основаса авать мархта алаты социалистический трудеа марстонь тюремансон эса тиендеви и кемокстай од, советский семьясь.

Од семьяса мирдтьи рвать взаимнай равноправиясна возможнай аныцек социализмань странаса. Минь социалистический семьясонк пашкоткшнени ломанць фкя-фкянди нравственной чувствань кельгомаца.

Семейнай бытсь аш кода лувондомс семьянь членти аныцек личной тевкс. Эрь рабочайт, колхозникт, служащайт моральной чистотаса и бытонц совершенстваса заинтересованнай сембе советский общественностсь. Сяс и сембе бытовой отношенинне советский семьяса, кельгомань чувствась должетт улемс свободнайхть сембе порокнень и лязватнень, капитализмань пережиткатнень эзда. Минь советский семьясонк эрви воспитандакшнемс од поколениянь ломатть, конатнень колга Энгельс сёрмадсь, што алян од поколениясь, конанди мээрдонга аф сави рамамс авать ярмак лангс и лия социальная преимуществать лангс, и авань поколениясь, конанди аф сави максемс эсь прянц алаты кодама-либа лия побужденияса, подлиннай кельгомаца башка.

Рянок кельгомаца личной симпатиять мархта социализмать пингста важнай роль кирди кельги парать общность и мировоззренияц, духовнай единениянь чувствась и марстонь самоотверженнай трудсь социалистический родинаць благанц инкса.

Сталинский эпохань од ломанць должен улемс моральна выдерженнайкс, культурнайкс, честнайкс, правдивайкс.

Тяка пингть минь од ломаненьконь эткса улихть нинге стапт, конат моральна аф устойчивайхть, ванфнесазь эсь сознаниясь капитализмань пережиткатнень (аватненди хамский отношенинть, брачный союзть лангс легкомысленнай, а кой-коста преступнай отношенинть). Тянь сюнеда алясь ёрасыне идензон и срхкафневихть алиментнень колга судебнай процесст. Нинге атак машфти бытса грубай шуткатне, насмешкатне авать или стирнять лангса, конат позоряшнесазь сонь. Сидеста синь этнихть бытовой распушенности.

Нлье минь од литература-сонк можна васифтемс кельгомань чувствань и семейнай отношенинень грубай, вульгарнай, и упрощеннай изображенийт. Юрий Крымовть «Танкер Дербент» повестец лебярь произведение. Но сонь эсонза няфневи—Басовть ширде бракти легкомысленнай подходсь. Басовть и Мусяць маласькодемасна тиеви пняк теждяста и простойста. Тячи содасть фкя-фкянь, ванды лемнихть фкя-фкянь «ты» валса. Васенцеда фкя-фкянь содама меле аф лама частонь этазь Басов мяргонали Мусяць «расписаться». Муся дивавдазь корхтай: «тон кода командират: фкя, кафта, кержить...!» «Сейчас и расписаться!» «А минь тонь мархтот кода эрви нинге ашеме корхне». Косот жа чувстватне? Коса жа серьезнай подходсь. Юрий Крымов тяса няфтезе нинге од ломанень ся пяльксть, конанц резкайста осуждал Ленин.

Минь од ломаненьконь эткса улихть нинге стама «удалец», конат пняк простойста ваныхть брактъ, стирнянь кельгомаць лангс. Кой-конатне корхнемс семьять и брактъ колга, ёрайхть няеме синь эсост аныцек «биология» или голай половой чувстват. Лияне лувондсазь, штоба покорить стирнять сидиенц—тевь пняк тежда, сяс и

синь знакомондакшнихть стирнянень мархта «сась, тусь, покорил» принципса, юкснемосань колга, што стирнять сидиенц тяфтама сясыкомась—тевь аф прочнай и может меле кандомс стирняти и перапти разочарования и лама лия аф приятность.

Лебярь, культурнай поведениннь признакокс ашихть стирнять и перанять эткса скромность, вдумчивость, вежливость. Стирнянть и перанянь, конат ванфтозь каннесазь эсь чувстваснон, афиватькшнихть синь колгаст, афрахсхть синь эсост, эрвихть лувондомс передовой ломанькс, а минцонк сидеста эрси мекланкт. Легкомысленнай, мимолетнай увлечениясь, эраскодозь кельгомаць аф служайхть павазу браконди, дружнай семьянди прочнай основакс.

В. И. Ленин пняк резкайста осуждал ся од ломатнень, конатнень мяльсна ульсь теждяста ваномс кельгомаць и брактъ лангс. Клара Цеткинть мархта беседаса Ленин корхтась: «Вдь тон содасак Х. од ялгать. Прекраснай, высокоодареннай юноша! Целян, што, аф ваномок сембонь лангс, сонь эздонза мезевок путнай аф лиси Сон лиенди и комотни фкя кельгомань историйть эзда омбоцети. Тя аф кондисти аф политический тюреманди, аф революцияти. Мон аф макссян поручения тяфта жа ся аватнень тюремаса надежностсь-свойн и стойкостсьсон инкса, конатнень личной романца сотневи политикать мархта и алятнень инкса, конат ласькондихть всякай юбкаць мельге и макссесазь эсь пряснон тапарамс эрь од аванияти. Аф, аф, тя не вяжеться революциять мархта». (Клара Цеткин, «Воспоминание о Ленине» стр 78).

Народонь вракне ёрасть распространять ваксада «теория» сянь колга, што якобы политикась фкя, а бытсь—лия. Коммунистический моральсь веши, штоба эрь ломанць улець пельнай личностекс, а аф раздвоеннайкс, конац фалу эрхви то фкя ширети, то омбоце ширети душонканц мархта. Кда ломанть бытсонза ушеды разложения, кда аф кармай улемс эсонза моральной чистота и выдерженность, то тя может вятемс политический разложение, мезс может вятемс партиять, рабочай класеть тевоц изменащты.

В. И. Ленин пощадафтома пиксь всякай бытовой распушенности, авать и алаты эткса взаимоотношенинень эса всякай легкомыслия. Ленин сёрмадсь: «Пролетариатсь—восходящай класс. Сон аф нуждандай опьянениясь эса, конац глушендалхне сонь или возбуждал. Тейнза аф эрви

аф половой несдержанностень опьянениясь, аф алкогольса опьянениясь». (Клара Цеткин, «Воспоминание о Ленине», стр. 78).

Улихть нинге лия аф нормальность минь од ломаненьконь бытса. Кепотьксонди, аф аныцек лама алян, но и аватнень сознаниясь ащи отсталай и вреднай взгляд, што аф лебярь, инь мелочнай работать семьяса эрви тиес авати. Сашендовсь няеме и корхнемс авать кудса трудонц колга. Ня корхтаматнень эзда няевсь, што ламоц алятнень эзда, конат эрийхть ошса, каннихть эшиста ведь. Но лия тевь велетнень эса. Тяса алятне позоронди лувондсазь веденькса молемаць. А сидеста эрий тяфта, авась работай стака работаса, а меле эрви нинге лама тиес тева кудса Алясь жа мезьнятка ашезь тиенде. Тя ащи примеркс сянди, што ломатнень сознаниясь капитализмань бытовой пережиткат нинге улихть. Тяфтама мяльхть можна марямс и ошстовок. Самок авать мирдец работаста, ваймоси, луви газетат и книгат, а рывап тяка жа пингонябязан муськомс, якамс итнень мельге и стак тов. Эрви алаты лездомс рыванцы всякай работань пашкодемаса. Тянди эрвихть тонафтомс и итневок.

Од советский семьясь должен строявомс сонь сембе членонзон равноправиянь основаса, марстонь трудеа синь участиясон, взаимнай кельгомань, довериянь основаса. Советский семьяса оцю воспитательнай виикс ащи родителхнень и семьянь старшай члётнень культурнай поведенисна, добросовестнай трудсна.

Шумбра, культурнай бытсь кемокснени ся семьятненьваса, коса родителхнень и семьянь сембе члётнень эткса отношенинне дружественнайхть. Пняк питни средствакс капитализмань пережиткатнень бытса каршезост тюремаса ащи од ломатнень политический воспитаниясна. Тонафнемоск Марксонь, Энгельсонь, Ленинонь, Сталинонь учениясон основаснон, касфнемос эсь политический уровеньон, минь од ломаненьке кармайхть кирдема эсь кдысост надежнай руководства, компас, конань мархта кармай уверенна, правильна молема од быть строительстваса кить эзда, од ломатнень кармайхть сяда кемоста тюрема капитализмань пережиткатнень каршес.

Аныцек руководствандамок минь великай учительконь Ленинонь и Сталинонь указаниясон мархта, од ломатнень кармайхть сяда успешнайста тиеме од быт, од эряф, конац пняксь павазда, радостьта, интересста и содержанияда.

Л. Самохин.

## СТРОЯЙХТЬ СПОРТПЛОЩАДКАТ

Майть 13-це шистонза ВЛКСМ-нь РК-ть бюроплихть решения спортплощадкань тиёмать колга. Тя решениять оцю радостьса васьфтезь велень комсомолецне и аф союзнай од ломатнень—физкультурать кельгиенза.

Лама вастова комсомольский организациятне тя решениять этафтозь ни эряфс. Рыбинский средний школань, «Мар-

стонь ки» и Папанинть лемса колхознень эса комсомолецне эсь виисост тисть спортплощадкат, конатнень лебярста оборудовандазь.

Тяни комсомолецне карьмодеть оборудовандамонза райцентраста стадионть.

Ив. Почтов.

Рыбинский район.



## ФИНЛЯНДИЯНЬ ПОСЛАННИКСЬ Ю. ПААСИКИВИ Г-НЬ, МАКСОЗЕНЬ ОТЗЫВНОЙ ГРАМОТАНЗОН

Тя кизонь 3-це июньта СССР-нь Верховнай Советт Президиумонц Председателец М. И. Калинин ялгась примазе Финляндиян Чрезвычайнай посланникть и полномочнай министр Ю. Паасикиви г-нть, конац максозень сонцень отзывной грамотанзон.

## Сась Москуву Словакиянь Посланниксь Ю. Шимко г-нц

2-це июньта Москуву сась Словакиян Чрезвычайнай Посланниксь и Полномочнай Министрь Ю. Шимко г-нц.

## ЦЕБЯРЬ САТФКСТ

Барановка велень начальнай школась, коса заведующайкс работай Трофимовсь, цебярь показателсь аделазе тонафнема кизоть. Сембе классень эзга тиф 100 процентнай перевод. Отличнай и цебярь отметка мархта этафт 2-це классонь ученикне: Данилова Прасковьясь, Черакшев Васясь. Аньцек отличнай отметкат получать пионерхне Надин Пантелейсь и Трофимова Юрась.

4-це выпускной класса испытаниятне этасть организованайста, аноклафета. Черакшевсь испытаниятнень максозень аньцек отличнайста. Цебярьста отвечаст Данилов Се-рафимсь и Голышев Васясь.

Ученикне нолдафт каникулас, цебярьста ваймайхть, штоба сай тонафнема кизоня са-томс сяда оцю показателхть.

Карл Черакшев.

Атюревский район.

## Обязательстваснон пашкодезь

Почетнай и павазу ся ломань, конац кельгсь эсь те-вонц, максессыне тейнза сембе способностензон и няфни оцю показателхть. Эряфь веши, штоба ломань содаль ламоня и ламоня и лездоль обществать развитианцы. Владимир Ильич Ленин аф стак завещандась: тонафнемс, тонафнемс и тонаф-немс.

Содамашитнень эряфть эса оцю значенияснон шарьхкодезь Глушка велень средний шко-лань лама ученик. Тяфтамкс лувондовихть М. Климинь, Р. Климинь, М. Синякинась, А. Буянкинась и лиятне. Синь путнихть лама труда, штоба сатомс сяда кеме содамашит. Синь тя трудна ашезь юма. Тонафнема кизоть аделаь ань-цек отличнай и цебярь отмет-ка мархта. Синь сявондсть эсь лангзост обязательстват мак-сомс испытаниятнень аньцек отличнайста и цебярьста, тьян-ге пашкотькшнесазь честь мар-хта. Климин Михаилсь полу-чась отличнай отметкат алгеб-раса, стереометрияса, Синяки-на Мариясь—рузонь кяльса, литератураса, Буянкинась—ал-гебраса устна. Синь лядькс дисциплинатнень коряска ис-пытаниятнень максесазь тяф-тама оцю показателсь.

Виктор Лобанов.

Калашинский район.

## ЕВРОПАСА И АФРИКАСА ВОЙНАСЬ

[Военнай действайтнень дневниксна]

Германский информационный бюроть сообщениань коряс, 2-це июньта шить и 3-це июнень карша веть герман-ский авиациясь тись налетт Англиян восточнай побереж-янц видеа английский суд-нань караванть лангс. Ваяффт 5 парохотт, оцюста колаф—6. Сяка пингт германский само-летне бомбардировандазь Тайн-ляйт устьяста и Хамбер за-ливть эзда портовой сооруже-нияйтнень.

Рейтер агентствась азондсь, што 2-це июньта шить ан-глийский истребительхне лиендсть разведкас Севернай Франциять велксс, конань пингста атаковандазь авто-транспортонь колоннатнень и аэродроппень. Английский ави-ациясь тись, сяда башка, на-летт Рурский областсьа про-мышленнай объектнень лангс.

Кой-мзяра бомба ульсь ёрдаф-стане жа и Берлинть районц.

\*\*\*

Итальянский командованиять сведениязон коряс, Крит ост-рова военнай действаитне аделафт.

Севернай Африкаса итальян-ский самолетне бомбардиро-вандазь Тобрукть портовой со-оружениязон и складонзон, а-стане жа английский суднат-нень, конат ашихть портть эса. Ваяффт фкя транспортнай пароход.

Абиссинияса основной воен-най действаитне молихть озе-ратнень районца, Аддис-Абе-бать эзда юг ширеса. Соддут районца, Рейтер агентствась сообщениань коряс, авлий-ский войскатне кружасть ита-льянский часть.

(ТАСС).

## Иракса од правительства

Гавас-ОФИ агентствась азондсь, што Иракса форми-ровандаф од правительства, конанди во главе путф быв-

шай иракский премьер-ми-нистрь Джамиль Мадфай.

(ТАСС).

## Кипр островса аватнень и иттнень эвакуациясна

Ассошиэтед Пресс агентст-вать сообщениань коряс, Кипр островонь властне, учсемок островть лангс нападения, ушедсть английский аватнень

и иттнень Египету сявонде-мост. Кипрь эрийнз этафне-вихть ичкови островть потмос.

(ТАСС).

## ЦЕБЯРЬ РЕЗУЛЬТАТ

Майть 26-це шистонза Сире-Рябка велень начальнай школа-са ульсть тифть тяддень то-нафнема кизоти итокт, конат няфтсть аф калдяв показа-тельхть. Сембода оцю показа-тельхть сатсть 4-це классонь ученикне тундань выпускной испытаниятнень эса. Аш стама ученик, конац калдявста со-далхце ба этаф программнай материалть.

Кеме содамашит испытаният-нень эса няфтсть Лея Зуб-ковсь, Сема Барабаншиковсь, А. В. Зубковсь, Юра Зубко-вась и лиятне. Тя няфнесь, што ня ученикне кизоньберф путнесть лама вийда тонафне-

мати и пингснот этафнезь расписаниянь коряс.

Цебярь результат няфтсть испытаниятнень эса Н—Шени-на велень 4-це классонь уче-никне. Елена Немоляевась, Еле-на Панькинась, Нина Бакмае-вась испытаниятнень максозь аньцек отличнай отметкаса, лядькс ученикне получасть це-бярь и посредственной отмет-кат.

Сай тонафнема кизоня 4-це классонь ученикне цебярь со-дамашиса кармайхть тонафнема Мамолаевский средний школань 5-це класса.

И. Матвеев.

Сире Синдровань район.

## ГЕОГРАФИЧЕСКИЙ УГОЛОК

Аф кунара Мамолаевский средний школаса панчф гео-графический кружок. Уголокса няфневихть географиять коряс учащайхнень самостоятельной работасна. Клоков Ванясь, 9-це классонь учениксь, рисовандась оцю карта, а кафксоне клас-сонь учениксь Конаков Колясь тиезе оцю размерса Казахский ССР-ть картанц.

Тяфтама картада географи-ческий уголокста можна мумс лама. Особенна цебярьста тие-зе Кечин Васясь Рыбинский районть схематический кар-танц.

9-це классонь учениксь До-рожкин Ванясь рисовандай Мордовский АССР-ть картанц эса. Кодак аделавахть испыта-ниятне лама ученик рисован-дасазь эсь велеснон картанц. Тянь вельде географический уголоксь тиендеви сяда инте-реснайкс и живойкс.

Уголокть работанц мархта вяти руководства географиянь преподавательницась Егоро-вась.

П. Сараев.

Рыбинский район.

## МЕЗЕНКА ПОЛУЧАКШНИ ЗАРПЛАТА?

Цебярьста работай клубсь, изба-читальнясь, паяк лездыхть трудящайхнень культурнай кругозорснон келепемаса. Аф-кржа политпросветучреждения велеса цебярьста ладязь спра-вочнай и политико-просвети-тельной работай.

Но, однак, тебсь ёфси аф-тяфта ащи Порапа велеса. Тя-са изба-читальнясь населениять ёткаса кодамовок работа аф-вяти. Избачсь Канайкинць нльне читальнявга аф якай.

Велеса культурно-массовой работань фронтца тяфта жа-кржа действует сельисполкомське (председательсь Дурнов ялгась), конац тя участваса эсь рабо-танц лувондсь аньцек Канай-кинць эсь пингстонза зар-платань максомаса.

И. Сурдяев.

Ковылкинский район.



СНИМКАСА: Мокшень поэтть Михаил Ильич Безбородовть бюстоц. Маласонза скульпторсь А. Д. Фомичевсь.

Фотось Ивентинь.

## Велетнень пижелгофнесазь

Оцю мяль шарфни Сире-Синдровань сельсоветсь велеть пижелгофтоманц колга. Сон лихнесь решения, штоба эрь-кудазорсь озафтоль 2—3 од-шuftоня. Тя решениясь эряфс-этафт—сембоц велети путф 1.200 од шuftоня.

Башкирцы \* велеса тяде-озафт 27 иса, 4 келунят, 26 марлюня и 26 вишняфкс.

Тя тунда Викидеева велеса (Теньгушевский район) озафт 89 од шuftоня. Шuftонянь озафнемаса активнай участия примасть колхозникне Я. П. Наратов, П. С. Гладышев, В. Т. Волков и лиятне.

## Дисциплинась лафча

Дисциплина эзда ламода-зависит комсомольский органи-зациять деятельности. Но тянь аф шарьхкотькшнесы Алексан-дровский комсомольский органи-зациясь (секретарсь Лихутьев-ялгась). Сон ащи ширеса кол-хозть производственной эря-фонц эзда. Виде, лама комсо-молец аф калдявста рабо-тайхть колхозса, но синь ра-ботаснон мархта комсомольский организациясь аф интересован-дакшни. Колхозникнень ёткаса массово-разъяснительнай рабо-тать шири аф шарфневи кода-мовок мяль. Добровольнай об-ществатне аф работайхть.

Членский взноснон лама ком-сомолец эсь пингстонза аф-паннесазь. Тяфта Целикин и Шушпанов ялгатне 3—4 ко-вонкса ашезь панда членский взноснон и тя мес-бди лу-вондови нормальнай явлениякс. ВЛКСМ-нь уставть нарушите-лензон каршес мерат аф при-мосевихть. Улихть и стама ком-сомолец, конат лувондсазь собраниян молемасть аф обяза-тельнайнди. Беднова Екатерина комсомолкась уважительнай причинафтома сидеста аф са-шенды собраниян.

Комсомолце ефси аф са-томшкаста работайхть эсь идейно-политический содамаши-снон касфтомаснон лангса, аф тонафнесазь революционной тео-риянь.

И. Китов.

Ковылкинский р-н.

Ответ. редакторсь

И. ЧУДАЙКИН.

## Лувить замечаниянза

## Я. ПИНЯСОВОНЬ „ТУМАН“ РАССКАЗОНЦ КОЛГА

Действиясь, конац сёрмат-кшневи «Туман» рассказ эса, моли гранипать маласа. Рас-сказ эса главнай геройкс ащи Колякась. Сон касфтс-пинения «Туман» и тьянь мар-хта кундась шпион.

Главнай центракс расскази ащи тя «Туман» пинесь, ко-нанц эзда келемкшни действа-сь. Рассказть сюжетонц инте-реснай, но сон тиеся Я. Пиня-совти, кода эряви, ашезь уда-ла. Сонь эсонза аш валда кар-тинат, эрь явлениясь няфневи-бегла, конац пачкотькшни то-за, што лувити скучна лувоме. Пинясов Колякат эряма вастонц колга тяштсь: «Колякась эрясь гранипать маласа» и авторсь аделасы описаниять.

Пинясовонь рассказса явле-ниятне лисендихть случайна, аф инголькге аноклафета, аф арьсфета; штоба рассказь-сембе ширде молесть плавна и

афольхть уле сюжетть эзда-срыфт, тьянь колга ефси ав-торсь ашезь арьсе. Сембода-паяк тьянь мархта сяряди сонь-рассказонц.

Кой-кона явлениятне уда-ласть Пинясовонди сёрмадомс; синь и свежайхть и интерес-найхть. Но ня свежай васт-не вельхневихть случайнай картинаса.

Пинясовонди ашезь няфте-в Колякат смелай шниц фор-мировандама. А сон лиссь: «вов, няйкак конашканя, а шпиотт-кундай»—тянди лувись аф-верондай, сяс мес апак няфтть, кода цёракшсь арась тяфтама-смелайкс и мезь кошардозе-сонь тяфтама геройский по-ступкань тиендеме: условиятне-или лия мезевок. Рассказть эса-аш стама васта, коса ба лу-вить волновандафтольхце; а-тяфтама картинат можнальхть-максоме саян эса, кода кундась

шпионт и лия вастсонга.

Кой-кона вастса сёрматф-сон аф идень кяльса. Стама-кяльса, кодамса ефси итне-аф кортайхть.

Улель ба интересна, кда-авторсь рассказть сёрмадомста-афоль эряскода, работаль ланг-сонза кода эряви. Максималь-эрь картинать, явлениять-крхкаста арьсезь, аф кода по-верхностнайста сёрмадозь. Ом-боце аф сатыкокс ащи ся, што, кода няеви рассказть-эзда, Пинясовсь ефси аф со-дасы пограничной эряфть, и, наверна, сонь сёрмадозе «по-воображению».

Аф-кржа идень интереснай-рассказонза няфнесазь што ав-торть ули талантоц тятевти, но-эряскодозь работамась, сёрма-дови эряфть аф содамац сонь-вятьнесы кой-коста калдяв-расскашенди.

М. Борьков.